



Al Madina
Masjid

La Rue Brabant
(Ancien La Rue Moka)

Publication
No.: 12

**La Loi Tilaawat
Dans Swalaat**

Par la direction
Distribution Gratuite
Jamadal Aakhir 1438

Tout gloire, louanges et remerciement à Allah (ﷻ) et darood et meilleur salutations lors So Habeeb Muhammad (ﷺ). In Shaa Allah pour sa édition la nous pour essaye apprendre un peu ban Masla concernant Tilaawat Qur'an dans Swalaat / Namaz.

Tilaawat Qur'an et concentration dans sa ki nous pe lire dans swalaat sa même ki fer beauté swalaat et fer nous vine plus près avec Allah. En d'autre mots, nous tilaawat li aussi important pour perfectionne nous Ibaadah. Li important pour nous conner ki la loi ena concernant Tilaawat Qur'an. Sa ti livret la li ene continuation de no. 11 ki ti lors Tajweed. Souvent des fois kan nous fer Tilaawat dans swalaat ou en dehors swalaat, nous faire erreur et nous même pas conner ki erreur nous pe faire.

In Shaa Allah nous pe gagne l'occasion pour apprendre li, nous essaye faire ene ti effort. Nous demande du'a a Allah pour pardonne nous si nous fine faire kit erreur involontairement.

Joignez nous sur Facebook :
Al Madina Masjid LaButte

La Loi: Jahr (lire à haute voix) Waajib lors Imaam dans swalaat Fajr, 2 premier raka'ah de Maghrib et 2 premier raka'ah de swalaat Isha et dans tout Raka'ah de Jummah, 'Id, Taraweeh et swalaat Witr de Ramadwaan. Li Waajib pour récité doucement dans troisième Raka'ah de Maghrib, 2 dernier Raka'ah de Isha et dans tout Raka'ah de Zuhr et Asr. [*Durr-e-Mukhtar Vol.1 pg.358*]

La Loi: Jahr: Bizin récité assez fort pour ki ban Muswalli dans au moins premier Saff tender. C'est minimum. Lire doucement veut dire ki au moins Imaam la li (li) bizin entendre li même. [*Bahare Shari'ah Vol 3 Pg 238*]

La Loi: Kan récité doucement, même si ene ou deux dimoune a coter fine entendre li, pas pour considère li comme Jahr, mais pour considère li comme récitation doucement. [*Durr-e-Mukhtar Vol.1 pg.359*]

La Loi: Pour fer récitation trop fort (plus ki bizin) a telle point ki li inconfortable pour Imaam la même ou les autres, donc li Makruh. [*Raddul Muhtar Vol.1 pg.357*]

La Loi: Si ene dimoune pe lire doucement et apres et l'autre personne fine joindre li comme jama'ah, alors li capave lire les restes à haute voix. La pas bizin recommencé. [*Raddul Muhtar vol.1 pg.357*]

La Loi: Li permissible pour casse ene long ayat (comme 'Ayat ul Kursiy') en deux et lire li dans 2 raka'ah, sous condition ki chaque parti li couma dire 3 ti ayat. [*Alamgiri vol.1 pg.73*]

La Loi: Li Waajib pour récite ban Nafil pendant la journée silencieusement. Pour ban Nafil dans la nuit, nous ena choix pour lire fort ou doucement. Mais si pe fer namaz Nafil en jama'ah, alors li Waajib pour li fort. *[Raddul Muhtar vol.1 pg.358]*

La Loi: Si ene dimoune pe fer ban namaz ki bizin lire fort tout seul (li ene Munfarid), alors li ena choix soit pour lire fort ou doucement, mais li plus bon pour lire fort surtout si li pe dire dans so l'heure appropriée. Mais si li pe fer sa ban namaz la Qaza, alors li Waajib pour lire doucement. *[Durr-e-Mukhtar vol.1 pg.358]*

La Loi: Mais si ene Imaam pe fer namaz Qaza en jama'ah, même a soir ou la journée, cot bizin lire fort, lire fort et kot bizin lire doucement lire doucement. Li waajib sa. *[Alamgiri vol.1 pg.113; Durr-e-Mukhtar vol.1 pg.358]*

La Loi: Si dans 4 Raka'ah Fard Namaaz, ene dimoune fine oublier récite Surah dans 2 premier Raka'ah, alors li bizin récite li dans 2 lot Raka'ah. Li waajib sa. Si ene dimoune fine oublier lire surah dans 2eme raka'ah, alors li capave lire li dans 3eme ou 4eme Raka'ah. Si ene dimoune fine oublier lire surah dans 2 premier Rakaat de namaz Maghrib, alors li bizin récite surah la dans 3eme rakaat mais li pour perdi Qira'ah ene raka'ah. Dans tout ban cas Bizin lire surah avec surah Al Faatiha et bizin fer Sajdah Sahw. Si c'est ene namaz ki lire surah fort, li bizin lire fort. Si ene namaz ki lire doucement, li bizin lire doucement. Mais si ene dimoune Volontairement pas lire surah, alors li bizin refaire namaz là. *[Durr-e-Mukhtar & Raddul Muhtar vol.1 pg.359]*

La Loi: Si ene dimoune pas fine lire ene surah apres surah Al Faatiha, et kan li dans Ruku' ki li fine mazine sa, alors li bizin débouter dans Qiyaam lire surah la, refaire Ruku' et à la fin fer Sajdah Sahw. Si pas refer ruku', alors namaz pas pour valide. [*Durr-e-Mukhtar vol.1 pg.360*]

La Loi: Si fine oublier lire surah Faatiha dans premier rakaat de namaz Fard, alors perna Qaza pour sa. Si avant fer ruku' li mazine, alors li lire surah Faatiha et ene lot surah. Si dans ruku' ki li mazine sa, alors li revine dans Qiyaam, li lire alhamd et ene surah et li refer ruku'. Si dimoune la pas refer Ruku', so namaz pas valide. [*Durr-e-Mukhtar & Raddul Muhtar vol.1 pg.360*]

La Loi: Li Fard-e-Ain (obligation individuel) lors chaque musulman ki Mukallaf (responsable et redevable) pour apprendre au moins ene Ayat par coeur. Fer Hifz Qur'an en entiere c'est Fard-e-Kifaayah (c'est ene fard ki imposer lors ummah en général. Mais si ene dimoune fine fer li, fard la fine accomplir. Personne pas pour responsable). Pour mémorise Surah Faatiha et ene ti surah ou 3 Ayat ki équivalent a longueur ene surah, ou ene longue ayat, li Waajib-e-Ain (Waajib lors chaque dimoune). [*Durr-e-Mukhtar vol.1 pg.361*]

La Loi: Par nécessité li Fard-e-Ain (Fard lors chaque dimoune individuellement) pour conne ban la Loi Fiqh et pour apprendre plus ki sa, li plus meilleur ki mémorise Qur'an en entiere. [*Raddul Muhtar vol.1 pg.361*]

La Loi: Si ene dimoune li confortable ou ene sécurité pendant ene voyage, alors li Sunnah pour lire surah Burooj (85) ou ene surah pareil dans Swalaat Fajr et

Zuhr. Dans namaz Asr et Isha lire Surah ki plus courte ki Surah Burooj et dans namaz Maghrib récite ban ti surah de Qisaar-e-Mufassal (surah 99 jusqu'à 114). Si ene dimoune li presser ou perna les temps, alors ki capave lire n'importe ki surah. [*Alamgiri vol.1 pg.72*]

La Loi: Si l'heure namaz pe terminer ou ena ene la frayeur de ban ennemies, alors ene dimoune bizin lire surah basant lors situation-là, même li en voyage ou à la maison dans so propre pays. Sa appliquer même si li pas capave fer sa ki waajib dans namaz, li excusable juste dans sa situation là. Par exemple, si l'heure Fajr pe terminer, perna les temps, à tel point ki ene dimoune capave lire juste 1 ayat Qur'an, alors li lire juste 1 ayat. [*Durr-e-Mukhtar & Raddul Muhtar vol.1 pg.362*]. Mais apres ki soleil fine lever, li bizin refer namaz là.

La Loi: Si ene dimoune li peur ki li pour rate namaz Fajr en jama'ah, alors li bizin juste fer jusqu'à ban Waajibaat dans Sunnat de Fajr. Li pas lire Thana, Ta'ooz et li lire juste 1 fois ban Tasbeeh dans chaque Ruku et Soujoud (Sajdah). [*Raddul Muhtar vol.1 pg.362*]

La Loi: Si ene dimoune li ene habitant ene l'endroit (li pas ene MUSAAFIR - voyageur) et ena les temps pour fer namaz, li Sunnat pour lire ban Surahs ki Tiwaal Mufassal dans Fajr et Zuhr, et li bizin récite Awsat Mufassal dans Asr et Isha, et li bizin récite Qisaar Mufassal dans Maghrib. La loi pour Imaam et Munfarid (sa ki pe fer namaz tout seul) li pareil dans tout cas. [*Durr-e-Mukhtar vol.1 pg.363*]

Note: Mufassal c'est ban Surahs depuis surah Hujraat (49) jusqu'à la fin, c'est à dire surah Naas (114). Mufassal li catégorisé entre 3 partis:

(1) Tiwaal-e-Mufassal (surah 49 jusqu'à 85) (nous lire dans Fajr et Zohr)

(2) Awsat Mufassal (surah 86 jusqu'à 98) (nous lire dans Asr et Isha)

(3) Qisaar Mufassal (surah 99 jusqu'à 114) (nous lire dans Maghrib) [*Durr-e-Mukhtar vol.1 pg.363*]

La Loi: Si ene dimoune pe fer namaz Asr dans so propre l'heure (Ada) mais dans l'heure Makruh (près avec maghrib), li encore ene thawaab pour fer Masnuna Qira'ah, c'est à dire lire ban surah ki fine désirer comme Sunnah Qira'ah (surah 86 jusqu'à 98) avec condition ki ena encore les temps. [*Alamgiri vol.1 pg.72*]

La Loi: Dans Swalaat Witr, Rasoulullaah (s) ti pe récite surah A'la (87) dans premier raka'ah. Dans 2eme raka'ah surah Kaafiroun (109) et dans 3eme Raka'ah surah Ikhlaas (112). Kan capave lire li pour gagne zot barakat. [*Alamgiri vol.1 pg.73*]

Parfois au lieu de surah A'la (87), Rasoulullaah (s) ti pe lire surah Qadr (97) dans premier raka'ah.

La Loi: Pas trop dépasser dans Qira'ah-e-Masnuna (Sunnah Qira'ah couma mentionner en haut) si li pour cause problème a ban Muqtadi (celui ki pe suivre Imaam). Si li pas pour créer problème ou inconfort, alors perna narien de mal si lire plus ki nombre ayat considérer comme Sunnah. [*Alamgiri vol.1 pg.73; Raddul Muhtar vol.1 pg.363*]

La Loi: Kan fer tilaawat dans namaz Fard, bizin lire posément. Dans namaz Taraweeh, bizin lire avec ene vitesse medium. Dans namaz Nafil dans la nuit, li permettre pour lire vite. Mais bizin lire dans ene façon kot capave comprend ki pe lire. Sinon li haraam parski nous li recommander pour lire avec Tarteel (Tilaawat avec ene vitesse ki comprend tout alphabet, mots etc.). *[Durr-e-Mukhtar & Raddul Muhtar vol.1 pg.363]*

Note: De nos jours, façon ki ban Huffaz récite Qur'an, zot pas respecter sa la loi là. Nous comprend juste zot ban dernier mot de ban ayat. Avec sa vitesse ki zot lire la, zot mange beaucoup ban mots car li Haraam pour récite Qur'an coumsa. *(Bahare Shari'ah Vol 3 pg 243)*

La Loi: Capave fer n'importe ki parmi ban 7 qualités Qira'ah. Mais li meilleur pour lire façon ki ban dimoune habituer tender. Donc, nous Deen pour préserver. *[Durr-e-Mukhtar & Raddul Muhtar vol.1 pg.363]*

La Loi: Li Masnun (désirable) pour allonge (fer durer) premier raka'ah plus ki deuxième Raka'ah. Mesure là c'est (2/3) deux tiers dans premier raka'ah et (1/3) ene tiers dans 2eme raka'ah. *[Alamgiri vol.1 pg.73]*

La Loi: Si tilaawat la trop long dans premier Raka'ah, c'est à dire 40 ayat dans premier Raka'ah et juste 3 ayat dans deuxième Raka'ah, perna aucaine mal la dans mais li pas recommander. *[Raddul Muhtar vol.1 pg.364]*

La Loi: Li meilleur dans tout namaz ki tilaawat de premier raka'ah un peu plus long ki dans deuxième raka'ah. Même la loi appliquer pour namaz Jumu'ah et les deux 'Id. *[Alamgiri vol.1 pg.73]*

La Loi: Dans namaz / swalaat Sunnat et Nafil, bizin essaye lire ban surah ki presque même longueur dans tous les deux raka'ah. [*Muniya pg.129*]

La Loi: Li Makruh pour lire plus long surah dans deuxième raka'ah ki dans premier raka'ah et ki différence la li trop claire. [*Durr-e-Mukhtar & Raddul Muhtar vol.1 pg.365*]

La Loi: Li Sunnah dans Jumu'ah pour récite surah 'Ala (87) (سَبِّحْ اسْمَ) dans premier raka'ah et surah Ghaashiyah (88) (هَلْ أَتَاكَ حَدِيثُ الْعَاشِيَةِ) dans deuxième raka'ah. [*Durr-e-Mukhtar & Raddul Muhtar vol.1 pg.365*]

La Loi: Li Makruh pour reste lire même surah à chaque fois dans chaque swalaat. Li Mustahab pour lire ban surah ki fine mentionner dans hadith. Mais bizin pas considère li waajib kan pe trop récite li. [*Durr-e-Mukhtar & Raddul Muhtar vol.1 pg.365*]

La Loi: Dans namaz Fard kan récite ban Ayat-e-Targheeb (ban ayat ki cause lors récompense) et ban Ayat-e-Tarheeb (ban ayat ki cause lors punition), Imam et Muqtadi pas bizin fer du'a pour gagne récompense ou protection contre punition. Même la loi appliquer pour namaz Nafil en Jama'ah. Mais si pe fer namaz Nafil tout seul, li capave fer Du'a. [*Durr-e-Mukhtar & Raddul Muhtar vol.1 pg.366*]

La Loi: Li Makruh-e-Tanzeehi (c'est ene Makruh ki pas interdire et aussi pas recommander) kan récite même surah dans tous les deux raka'ah, excepter si perna aucaine lot surah apres surah ki fine réciter dans premier raka'ah. Par exemple si fine récite surah Naas dans premier raka'ah, capave récite même surah (Naas) dans

deuxième raka'ah. Ou bien si dans deuxième raka'ah ene dimoune fine rater fine relire même surah ki li fine lire dans premier raka'ah. Ou bien si ene dimoune pas conne aucaine lot surah. [*Raddul Muhtar vol.1 pg.367*]

La Loi: Dans namaz Nafil capave récite même surah dans chaque raka'ah et même capave récite même surah plusieurs fois dans chaque rakaat. [*Ghuniya pg. 462*]

La Loi: Si ene dimoune fine termine Qur'an en entiere dans premier Raka'ah, alors li bizin commence par Alif Laam Meem dans deuxième raka'ah apres surah Al Faatiha. [*Alamgiri vol.1 pg.74*]

La Loi: Si dans namaz Fard ene dimoune lire un peu ayat dans premier raka'ah et dans deuxième raka'ah li lire un peu ayat depuis ene lot place, même si dans même surah et si entre sa deux group ayat la ena un deux ou plus ayat fine rester, li pas ene problème. Mais bizin pas fer sa vine ene l'habitude. Mais si ene dimoune lire un peu ayat dans ene raka'ah et li kit un peu ayat et li lire un peu ayat depuis ene lot place dans sa même raka'ah la, alors li Makruh. Mais si li fine fer sa par erreur, alors li bizin rélire ban ayat ki li fine kiter la et puis li capave continuer. [*Raddul Muhtar vol.1 pg.367*]

La Loi: Ene dimoune capave récite la fin ene surah dans premier raka'ah et li récite ene lot ti surah dans deuxième raka'ah. [*Alamgiri vol.1 pg.74*]

La Loi: Bizin pas récite deux surah dans ene raka'ah de namaz Fard. Si ene Munfarid fer li, perna aucaine problème aussi longtemps ki deux surah la zot à suivre. Si ena ene surah entre deux surah la, alors li Makruh. [*Raddul Muhtar vol.1 pg.367*]

La Loi: Si ene dimoune lire ene surah dans premier raka'ah et li kit ene plus long surah ki vini après pour lire ene plus ti surah comparer avec premier surah la, alors perna objection. Mais li pas recommander pour lire surah Ikhlaas apres surah Naas. [*Durr-e-Mukhtar vol.1 pg.367*]

La Loi: Li Makruh-e-Tahreemi (li près avec haraam) pour lire dans premier raka'ah ene surah ki vine apres et lire dans deuxième raka'ah ene surah ki avant dans Qur'an. Par exemple lire surah Kaafiroun (no. 109) dans premier raka'ah et lire surah Feel (no. 105) dans deuxième raka'ah. [*Durre-Mukhtar vol.1 pg.367*]

Note : Li Makruh Tahreemi pour lire Qur'an à l'envers. Si ene dimoune fer li par erreur, li pas ene péché et perna pour fer Sajdah-e-Sahw.

La Loi: Pour fer li facile pour ban zenfant, li permettre pour zis zot lire siparah 'Amma (30) dans n'importe ki l'ordre surah. [*Raddul Muhtar vol.1 pg.367*]

La Loi: Si ene dimoune fine fini commence lire ene surah ki vine avant sa surah ki li fine réciter dans premier raka'ah la, et lerala li fine maziner, alors li bizin complète surah la même si li fine commence même zis so premier alphabet. Par exemple, dans premier raka'ah li fine lire surah Kaafiroun (109) et dans deuxième raka'ah li fine commence lire surah Feel (105) et li fine dire (أَلَمْ تَرَ), ou bien li fine saute surah Nasr (110) et li fine lire ene plus long surah par exemple surah Masad (111) et li fine fini dire (تَبَّتْ), li bizin complète surah la. Li pas en droit arrêter et commence ene l'autre surah. [*Durr-e-Mukhtar vol.1 pg.367*]

La Loi: Li meilleur pour lire 3 ti ayat ki ene seul long ayat. Et li meilleur pour li ene parti de ene long surah ki ena plus beaucoup ayat ki ene ti surah en entier. [*Durr-e-Mukhtar vol.1 pg.367*]

La Loi: Si ene dimoune fine prononce Takbeer pour alle dans Ruku, mais li pas encore rentre dans position Ruku (avec so deux la mains lors so genoux) et li envi lire encore ayat dans Qiyaam, alors li capave fer li. [*Alamgiri vol.1 pg.74*]

Conclusion

Chers frères et soeurs, c'est nous devoir pour apprendre ban Masla ki gère nous Tilaawat dans nous swalaat. C'est de sa façon la ki in Shaa Allah nous ban ibaadah pour etre accepter devant Allah. Li nous devoir fer tout dans nous capacités pour apprendre. In Shaa Allah prochain livret pou lors 'Ki Nous Lire Dans Swalaat'. Nous demande du'a Allah pardonne nous de tout nous ban faute ki nous fine faire involontairement dans sa livret la et ki LI (Allah) donne nous hidayat pou pratique So Deen couma bizin. Ameen. Assalaamou 'alaikum.

Liste des publications

1. Wudhu (Rajab 1437)
2. Ghusl et Ghusl Mayyat (Sha'baan 1437)
3. Tayammum, Istinja et Istibra (Ramadwaan 1437)
4. Haiz, Istihaaza et Nifaas (Shawwal 1437)
5. Adhaan (Dhul Qa'dah 1437)
6. Swalaat So Condition 1ère Partie (Tahaarat et Satr) (Dhul Hijja 1437)
7. Swalaat So Condition 2ème Partie (Qiblah et Waqt) (Muharram 1438)
8. Swalaat So Condition 3ème Partie (Niyyat et Takbeer Tahreema) (Swafar 1438)
9. Comment Faire Swalaat (Rabi 'Ul Awwal 1438)
10. Masla Lors Swalaat (Rabi 'Ul Aakhir 1438)
11. La Loi Tajweed (Jamaadal Awwal 1438)
12. La Loi Tilaawat Dans Swalaat (Jamaadal Aakhir 1438)
13. Ki Nous Lire Dans Swalaat (In shaa Allah pour Rajab 1438)